

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N01-02/ 252

ქ. ბათუმი

25 ოქტომბერი, 2022 წ.

„ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმების დამტკიცების შესახებ“

ბსუ-ს რექტორის 2019 წლის 29 ნოემბრის N 01-02/198 ბრძანებაში ცვლილებების შეტანის თაობაზე

„უმადლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „პროფესიული განათლების შესახებ“ საქართველოს კანონის, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მინისტრის 2010 წლის 1 ოქტომბრის N99/ნ ბრძანების და ბსუ-ს პროფესიული პროგრამების მართვისა და უწყვეტი განათლების ცენტრის დირექტორის მადონა მიქელაძის 2022 წლის 24 ოქტომბრის №1346069 სამსახურებრივი ბარათის საფუძველზე,

ვ ბ რ ძ ა ნ ე ბ :

1. „ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმების დამტკიცების შესახებ“ ბსუ-ს რექტორის 2019 წლის 29 ნოემბრის N 01-02/198 ბრძანებაში შევიდეს ცვლილებები, კერძოდ, ბრძანების N1 დანართში (მექანიზმები)

ა) მე-2 მუხლის პირველი პუნქტი ჩამოყალიბდეს შემდეგი რედაქციით:

„1. ბსუ-ში პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის სისტემა ფუნქციონირებს „დაგეგმე, განახორციელე, შეაფასე, განავითარე“ ციკლის (PDCA) პრინციპით.“;

ბ) მე-2 მუხლის მე-3-5 პუნქტები ჩამოყალიბდეს შემდეგი რედაქციით:

„3. ხარისხის უზრუნველყოფის ციკლის განხორციელების ეტაპზე სასწავლო პროცესის ხარისხის გაუმჯობესების მიზნით ხორციელდება:

- ა) სწავლებაზე დასწრების ორგანიზება და გამოცდილებათა გაზიარება, სწავლების ანალიზი დასწრების კითხვარის გამოყენებით.

- ბ) სამუშაო შეხვედრების ორგანიზება და სასწავლო პროცესის ხარისხთან დაკავშირებული პრობლემების იდენტიფიცირება;
- გ) პროფესიულ სტუდენტთა მოტივაციის გაზრდა სხვადასხვა ტიპის აქტივობებით;
- დ) პროფესიულ სტუდენტთა დასაქმების, განსაკუთრებით წარმატებული სტუდენტების, კურსდამთავრებულების დასაქმების ხელშეწყობა;

4. ხარისხის უზრუნველყოფის ციკლის შეფასების ეტაპზე სწავლების ხარისხის უზრუნველყოფის სისტემაში განხორციელების პროცესი ექვემდებარება რეგურალურ შემოწმებას და ანგარიშგებას, სასწავლო პროცესის შეფასება ხორციელდება:

- ა) მოდულების სწავლებისა და შეფასების მეთოდოლოგიის რელევანტურობის შესწავლით;
- ბ) მეცადინეობებზე დასწრება და ანალიზი;
- გ) პროფესიულ საგანმანათლებლო პროგრამის განმახორციელებელი პერსონალის გამოკითხვა და ანალიზი;
- დ) სასწავლო პროცესის შეფასება, პროფესიულ სტუდენტთა მიერ სპეციალური კითხვარის გამოყენებით და ანალიზი;
- ე) პროფესიულ მასწავლებლთა შეფასება პროფესიულ სტუდენტთა მიერ სპეციალური კითხვარის გამოყენებით და ანალიზი;
- ვ) კურსდამთავრებულთა კმაყოფილების კვლევა სპეციალური კითხვარების საშუალებით და ანალიზი;
- ზ) დამსაქმებელთა კმაყოფილების კვლევა, სპეციალურად შემუშავებული კითხვარების საშუალებით და ანალიზი;
- თ) დასაქმების სტატისტიკის წარმოება.

5. ხარისხის უზრუნველყოფის ციკლის განვითარების ეტაპზე:

- ა) ხდება შეფასების ეტაპზე მოგროვებული ინფორმაციის ანალიზი, მიღწეული შედეგების შედარება წინასწარ განსაზღვრულ ინდიკატორებთან და გადაწყვეტილების მიღება;
- ბ) ჯგუფური და ინდივიდუალური კონსულტაციები პროფესიული განათლების მასწავლებლებთან სწავლებისა და შეფასების საკითხებთან დაკავშირებით, საჭიროების შემთხვევაში დამატებითი ტრენინგები;
- გ) არსებული საჭიროებების ანალიზის საფუძველზე პროფესიული საგანმანათლებლო პროგრამების მოდიფიცირება, დადგენილი პროცედურის შესაბამისად;
- დ) გამოკითხვების/კვლევის ანალიზის შედეგების გამოყენება სასწავლო პროცესის/პროგრამების გასაუმჯობესებლად.

6. მეცადინეობებზე დასწრების, კმაყოფილების კვლევის, თვითშეფასების კითხვარების ფორმები არ მტკიცდება. ცალკეული კონკრეტული მიზნიდან გამომდინარე შესაძლებელია შემუშავდეს ერთჯერადი ტიპის ანკეტა/კითხვარი და სხვა ფორმა.“;

ბ) მე-2 მუხლის მე-9 პუნქტი ამოღებული იქნეს.

2. წინამდებარე ბრძანებით განხორციელებული ცვლილებების გათვალისწინებით მომზადდეს კოდიფიცირებული „ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმები“ და განთავსდეს ბსუ-ს ვებგვერდის შესაბამის ველებში.
3. პროფესიული პროგრამების მართვისა და უწყვეტი განათლების ცენტრმა უზრუნველყოს „ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმების“ გაცნობა პროფესიული სტუდენტებისა და შესაბამისი პერსონალისათვის.
4. ბრძანება განთავსდეს ბსუ-ს ვებგვერდზე.
5. ბრძანება დაეგზავნოს ბსუ-ს რექტორის მოადგილეს (თ. სირაძე), ხარისხის უზრუნველყოფის სამსახურს, პროფესიული პროგრამების მართვისა და უწყვეტი განათლების ცენტრს, იურიდიულ დეპარტამენტს, საფინანსო-ეკონომიკურ დეპარტამენტს, საქმისწარმოების სამსახურს (კანცელარია) და საინფორმაციო ტექნოლოგიების სამსახურს.
6. ბრძანება ძალაშია ხელმოწერისთანავე.
7. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30) მისი გამოცემის დღიდან ერთი თვის ვადაში.

რექტორი, პროფესორი

 მერაბ ხალვაში